



Broj: 11-07-14-25072.1-1
Sarajevo, 01.09.2016. godine

Na osnovu člana 70. St. (1) i (2) Zakona o organizaciji organa uprave u FBiH („Službene novine FBiH“, broj 35/05), člana 25., člana 64. stav (1) tačka b) i člana 70 st. (1), (3) i (6) Zakona o javnim nabavkama BiH („Službeni glasnik BiH“, broj 39/14), na preporuku Komisije za javne nabavke, ministar za obrazovanje, nauku i mlade Kantona Sarajevo d o n o s i:

ODLUKU
o izboru najpovoljnijeg ponuđača u predmetu u otvorenom postupku javne nabavke besplatnih udžbenika za učenike prvog razreda osnovnih škola kao javnih ustanova na području Kantona Sarajevo LOT 1

Član 1.

Najpovoljniji ponuđač u Otvorenom postupku javne nabavke u predmetu Nabavka besplatnih udžbenika za učenike prvih razreda osnovnih škola kao javnih ustanova na području Kantona Sarajevo LOT 1 - Nabavka udžbenika izdavača „Bosanska riječ“ „Dječija knjiga“, Sarajevo po Tenderu 5774-1-1-7-3-8/16 je:

„Nova dječija knjiga“ d.o.o. Sarajevo sa cijenom 20.109,60 KM bez PDV-a

Član 2.

Ova Odluka bit će dostavljena u roku od 3 dana, a najkasnije u roku od 7 dana od dana donošenja odabranom ponuđaču i ostalim ponuđačima koji su dostavili svoje ponude i time ih obavjestiti o rezultatima javne nabavke.

Član 3.

Obavezuje se Ponuđač iz člana 1. ove odluke da u roku od pet (5) dana od dana prijema ove Odluke dostavi dokumente vezane za izjave u vezi člana 45., 47. i 52. Zakona o javnim nabavkama ukoliko iste nije dostavio u ponudi.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 4.

Ova Odluka stupa na snagu danom donošenja i bit će objavljena na stranici ugovornog organa www.mon.ks.gov.ba istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je na osnovu Odluke broj: 11-07-14-25072 od 08.08.2016. godine. U predmetnom otvorenom postupku javne nabavke koja je podijeljena u 9 LOT-ova prema izdavačkim kućama sa spiska odobrenih izdavača Federalnog ministarstva obrazovanja i nauke,



objavljenom u „Službenom glasniku BiH“ broj: 62/16 ponude za sve LOT- ove koje su zaprimljene bile su blagovremene i tehnički zadovoljavajuće.

Primjenom člana 64. stav (1) tačka b) Zakona, odlučeno je kao u dispozitivu.

Pravna pouka:

Punudač koji je učestvovao u postupku nadmetanja može, radi zaštite svojih prava i pravnih interesa izjaviti žalbu Ministarstvu za obrazovanje, nauku i mlade u roku od 10 (deset) dana od dana prijema ove odluke.



Dostaviti:

1. „Nova dječija knjiga“ d.o.o. Sarajevo
2. Komisija za javne nabavke
3. Arhiva



web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

